



ՀՀ Կառավարության
9-րդ համար, 1-ին հատված, 5-րդ հոդված

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1518654

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

03 փետրվարի 2023թ.

Բ. Երևան
(կազմման վայրը)

Ակտի հասցեագրեր

Ա/Ձ Արմինե Զարգարյան

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

8	3	3	6	7	4	0	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ, ք. Երևան, Վաղարշյան 18

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 18.11.2022թ-ի թիվ 1518654 որոշման համաձայն Ա/Ձ Արմինե Զարգարյանի նկատմամբ իրականացվել են օպերատիվ - հետախուզական միջոցառումներ, որոնց արդյունքում պարզվել է, որ վերջինս 2022թ-ին իրականացրել է բոտոքսի միջամտություն, որի համար չի ունեցել համապատասխան լիցենզիա:

Վերոգրյալի կապակցությամբ Ա/Ձ Արմինե Զարգարյանը 18.01.2023թ-ին ներկայացրել է գրավոր հայտարարություն այն մասին, որ իր կողմից մի քանի անգամ ՀՀ-ում գտնվելու ժամանակ փորձնական իրականացվել է բոտոքսի միջամտություն, որի համար չի ունեցել համապատասխան լիցենզիա, քանի որ չի իմացել դրա անհրաժեշտության մասին:

Թիվ 1518654 արձանագրությամբ 18.01.2023թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացրել 25.01.2023թ. նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

«Լիցենզավորման մասին» ՀՀ օրենքի 46-րդ հոդվածի 1-ին մասի 2-րդ պարբերության համաձայն՝ առանց լիցենզիայի սույն օրենքով նախատեսված լիցենզավորման ենթակա գործունեությամբ զբաղվելն առաջացնում է օրենքով նախատեսված պատասխանատվություն և լիցենզավորման համար գանձվող պետական տուրքի գումարի չափով վնասի հատուցում:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 408-րդ հոդվածի 1-ին մասով ըստ որի՝ ...«Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում հայտնաբերված՝ «Լիցենզավորման մասին» Հայաստանի Հանրապետության օրենքին համապատասխան

լիցենզավորման ենթակա գործունեությունն առանց լիցենզիայի իրականացնելու ... դեպքում գործունեության յուրաքանչյուր տեսակի մասով կազմակերպությունից կամ անհատ ձեռնարկատիրոջից գանձվում է տուգանք՝ լիցենզիայի կամ թույլտվության տրման կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի դրույքաչափի տասնապատիկի չափով, բայց ոչ պակաս 500 հազար դրամից:

Մինչույն ժամանակ համաձայն ՀՀ հարկային օրենսգրքի 408-րդ հոդվածի 3-րդ մասի սույն հոդվածի 1-ին և 2-րդ մասերով սահմանված խախտումներ հայտնաբերվելու դեպքերում խախտումներ կատարած կազմակերպությունից կամ անհատ ձեռնարկատիրոջից գործունեության յուրաքանչյուր տեսակի մասով գանձվում է նաև լիցենզիան տալու կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի (տարեկան պետական տուրքի գանձման օբյեկտի դեպքում՝ մեկ տարվա պետական տուրքի) դրույքաչափին համապատասխան գումարի չափով վնասի հատուցում:

Համաձայն «Լիցենզավորման մասին» ՀՀ օրենքի 43-րդ հոդվածի 1-ին մասի՝ գործունեությունը համարվում է լիցենզավորման ենթակա, եթե այն ընդգրկված է նույն հոդվածում արտացոլված լիցենզավորման ենթակա գործունեության աղյուսակում: Նշված աղյուսակի 3-րդ կետի 3-րդ ենթակետերում ընդգրկված է անհատ ձեռնարկատերերի կամ կազմակերպությունների կողմից բժշկական օգնության և սպասարկման իրականացում:

Համաձայն ՀՀ կառավարության 2008թ-ի մարտի 27-ի N 276-Ն որոշման հավելվածի կոսմետոլոգիական, պլաստիկ վերակառուցողական և էսթետիկ վիրաբուժական գործունեության տեսակները համարվում են բժշկական օգնություն և սպասարկում:

«Պետական տուրքի մասին» ՀՀ օրենքի 19-րդ հոդվածով սահմանվում են լիցենզավորման ենթակա գործունեություն իրականացնելու նպատակով լիցենզիաներ տալու համար պետական տուրքի դրույքաչափերը:

Նշված հոդվածի 2-րդ կետի 2.5-րդ ենթակետի համաձայն անհատ ձեռնարկատերերի և կազմակերպությունների կողմից բժշկական օգնության և սպասարկման իրականացման համար՝ տարեկան պետական տուրքը հաշվարկվում է բազային տուրքի 50-ապատիկի չափով:

«Պետական տուրքի մասին» ՀՀ օրենքի 8-րդ հոդվածի համաձայն պետական տուրքի դրույքաչափերը սահմանվում են գնահատման ենթակա գույքի արժեքի կամ սույն օրենքով սահմանված բազային տուրքի նկատմամբ: Բազային տուրքի չափ է սահմանվում 1.000 դրամը:

Տվյալ դեպքում Ա/Ձ Արմինե Զարգարյանի կողմից խախտումը վերջին 1 տարվա ընթացքում կատարվում է առաջին անգամ: Օրենքով սահմանված պետական տուրքը հաշվարկվում է 50 000 ՀՀ դրամ, որի տասնապատիկը կազմում է 500 000 ՀՀ դրամ, ուստի օրենսդրական պահանջից ելնելով Ա/Ձ Արմինե Զարգարյանի նկատմամբ կիրառելի է 500 000 ՀՀ դրամի չափով տուգանք և 50 000 ՀՀ դրամ գումարի չափով վնասի հատուցում:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և Ա/Ձ Արմինե Զարգարյանին գանձման առաջադրել 500 000 ՀՀ դրամի չափով տուգանք որպես հարկային պարտավորություն, ինչպես նաև՝ 50 000 ՀՀ դրամ օրենքով սահմանված պետական տուրքի գումարի չափով վնասի հատուցում համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 408-րդ հոդվածի 1-ին մասով սահմանված տուգանք ընդամենը, որից՝	500 000	պետական բյուջե	900008000490
Հարկային օրենսգրքի 408-րդ հոդվածի 3-րդ մասով սահմանված վնասի հատուցման գումար, որից՝	50 000	պետական բյուջե	900008000490
Ընդամենը վճարման ենթակա գումար	550 000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Սրացա ակտի մեկ օրինակը

Ա/Ձ Արմինե Զարգարյան



ընդամենը 3 էջ

2022թ.

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտոնական պատճենի հաշվառման դեպքում)

ստորագրությունը

(նշում ակտը ստորագրելուց և (կամ) սրանալուց հրաժարվելու մասին)